

DEO OPT. MAX. VNI ET TRINO, VIRGINI DEIPARÆ, ET SANCTO LVCÆ ORTHODOXORVM MEDICORVM PATRONO.

## QVÆSTIO MEDICA.

CARDINALITIIS DISPUTATIONIBVS MANE DISCVTIENDA IN ANTONIANIS MEDICORVM  
REMENSIVM SCHOLIS DIE MERCVRII XXX. IVNII.

Clarissimo Viro M. FRANCISCO ABRAHAMO FRAMBESARIO Doctore Medico, Professore Antoniano,  
& Antiquiore Scholarum Magistro, moderatore. 61.

*An Virginitas Chlorosi laborantibus Venus?*

*Sancti virginitas.*

**C**VM homini animalium præstantissimo, mortali conditione creato, Natura summum perpetuè viuendi desiderium indidisset, nec tamen id naturaliter adipisci posset, sub duplici sexus discrimine; marem arctissimo vinculo scemina conjunxit, vt ex vtriusque secundo semine permixto, sempiternus quodammodo fieret homo: sed mulierem viro imperfectiorem esse voluit, & qualitarum imbecilliorum exuperantiam forturi, in illa enim frigis calori, & humor siccitati prædominatur. Hinc mirum non est, si præter morbos vtrique sexui communes, scemina quoque sibi propriis & peculiaribus morbis obnoxia sit, quos vterus tum grauidæ tum Virgini post decimum quartum annum natæ, ex primis nostræ generationis principiis sanguine videlicet ac semine excitat, & propter maximam quam cum nobilioribus organis habet sympathiam, omnibus corporis partibus communicat.

**H**INC vteri si indiuiduum spectes dignitas nulla, si speciem maxima, si verumque vtilitas & noxa quamplurima; quoniam vt valet, sic & totum corpus, & in ipso vel ab ipso singuli ferè mulierum morbi sunt, cum membranosa & ignobilis illa pars, colligendis corrumpendisq; humoribus adeò sit opportuna, vt eos in se suo damno retineat, vel aliò refundat vitæ dispendio maximo. Ex humoribus in vtero corruptis vapor aliquando ad cerebrum expirat, adeò malignus, perniciosus, & veneni æmulus, vt ab hac sacra Palladis arce, non solum ratio dimoueat, sed omnes etiam ejus functiones tum motrices, tum sensitiuæ, tum principes inturbentur, & conuulsio, oculorum caligatio, insensibilitas, stultitia, melancholia, & vterinus furor excitentur, à quo & amor insanus prodit commodus occasionis arripiendæ magister, tunc etenim præceptum non audit curus habenas, & Venus ipsa tyrannidem exercens vt altera Tisiphone sæpius imperat, vterumque voluptatis thronum sæuissimis agitat furijs; hinc quædam adeò insaniant vt assidentes adorantur, & in puteos aliquando se præcipitent; aliæ abjecto ita sunt animo, vt omnia tuta timeant, & vitam sibi acerbam putent, etiam si ea migrare pertimescant. Non desunt etiam cordi affectus ab vtero, lipothymia, syncope, respirationis & pulsus priuatio, à venenata quadam aura natium cordis calorem exoluentem.

**I**DEM vapor fauces inuadens eas quasi vinculo constringere, aut manu præcludere videtur, cum magno suffocationis metu. Pulmonibus in mali consortium tractis, nedum dyspnœa, sed etiam *æonia* ingruit. In alijs quoque partibus quas id venenum attingit, horrenda exsuscitat symptomata, in diaphragmate compressionem, in aluo cruditatem, in ventriculo inappetentiam, & Picam cum rerum absurdum desiderio: in hepate tergeminum aliquando hydropem, sæpius verò cachexiam, in qua ob deprauatam hæmatosim sub imensa prauorum humorum mole naturalis facultas ingemiscit, cum cedematoso pedum tumore. Omnia denique labefactantur viscera propter coctionum læsionem, & sanguinis qui facilem sibi exitum parare non potest, visciditatem & crassitiem, vnde in Virginitas viro maturis accidunt obstructionum myriades, quibus succedit *χλωρσις* seu pallidi, virentes, ac fædi colores, faciei decus, de quo adeò sollicitæ sunt, deturpantes, licet earum imaginatio eò dementiæ sæpius perueniat, vt neque se formosas aut amabiles esse putent, neque nuptiarum capaces, nisi Chlorosi visu horrendâ laborent.

**D**ISCRIMINIS plenus ob tantam symptomatum iliadem hic affectus omni remedium tum aperientium, tum euacuantium machinâ debellandus est, secundum curatiuas indicationes duas, quarum prior inhihendæ *μυωσις* rationem, posterior materiz in vtero stabulantis exclusionem suadet. Effumationem prohibebunt & reuellent enemata citò injicienda, eaque acriuscula, maxime si naturæ votis alius non respondeat, non neglectis partium inferiorum frictionibus, fortibus ligaturis, vt & cucurbitulis hypogastricæ regioni, & internis femoribus applicandis, idoneâ & temperatâ victus ratione; cibarijsque deuitatis, quæ crudos crassos & flatuosos humores multiplicare valent, cujus generis sunt lacticia, legumina, carnes melancholicæ, fructus & pisces, atque vno verbo res omnes absurdæ quantumvis desideratæ. Ad euacuandam antecedentem causam, vena cubiti tundenda, & progressu morbo saphena. Catharsis quoque in vsum venit, primò leuior ad eluendam imi ventris impuritatem, postea concoctis humoribus validior, pro ægræ naturæ & conditione.

**C**ONTVMACIBVS interim soluendis obstructionibus vnice incumbendum, cum in hoc affectu morbi principalis rationem fortiantur, ad quem finem apozematâ aperientia, hepatica, & hysterica concinnantur. Sed inter omnia præsidia viscerum infarctus referantia, limatura chalybis principatum obtinet, siue cum extracto chelidonij & sale tartari vitriolato misceatur, aut sub opiæ forma, vel pilularum, aut tabellarum exhibeatur; omnes enim & singulas naturales partes ab obstructionibus expedit efficacissimè, modò partium obstructarum secundum indicationes ab earum statu & dispositione desumptas, atque noxiorem humorum habeatur ratio, alternatimque præparantia cum partibus affectis familiaritate juncta, & purgantia vsurpentur, non omisissis roborantibus; ista tamen remedia medelam incipiunt ac promouent, non verò absolunt, quemadmodum ipsa Venus, cujus vtpote auxilij benigni, iucundi, naturalis, & ab ipsis Virginitas vehementer expetiti, repetito vsu ardens materia subtrahitur, incendium restinguitur, atque ipsa omnino debellatur *χλωρσις*, fædis ejus symptomatis vero artis secreto fugatis, dum ætatis jure nupturiens Virgo, & infidiosa libidinis delinita blanditijs, quam citissimè viro cohabitare, si enim conceperit sana fiet, juxta Hippocratis edictum.

*Ergo Virginitas Chlorosi laborantibus Venus.*

### DOMINI DOCTORES DISPUTATVRI.

M. Claudius Nolin  
Decanus.

M. Nicolaus le Comper.

M. Petrus Rainssant Professor  
Antonianus.

M. Petrus Oudinet.

M. Joannes Lapile.

M. Thomas le Frique.

M. Nicolaus Richeletius.

Afferebat Remis, CAROLVS LVCAS Abbauillæus, Artium Magister & Medicinæ Baccalaureus. A. R. S. H. M. DC. LXVI.